


# AP 143 (b)



## **Buku-buku Akaun Utama**

143. (a) Akauntan Negara, Akauntan Jabatan Mengakaun Sendiri dan Akauntan Negeri atau Bendahari Negeri selain daripada menyenggara buku akaun utama, contohnya buku tunai dan lejar, hendaklah juga menyenggara rekod-rekod kecil sebagaimana yang perlu. Semua buku akaun hendaklah diimbang tiap-tiap bulan dan baki dalam lejar-lejar kecil hendaklah disamakan dengan akaun kawalan yang berkenaan.

## **Penyesuaian Akaun Vot, Hasil Dan Amanah**

- (b) Akauntan Negara, Akauntan Jabatan Mengakaun Sendiri, Akauntan Negeri/ Bendahari Negeri sebagai pejabat perakaunan akan menghantar sama ada secara manual atau elektronik tiap-tiap bulan laporan terperinci akaun vot, hasil dan amanah kepada Pegawai Pengawal atau wakilnya. Pegawai Pengawal atau wakilnya kemudian hendaklah menyesuaikan urus niaga laporan terperinci dari Pejabat Perakaunan dengan rekod perakaunannya dan menyediakan penyata penyesuaian akaun untuk dikemukakan kepada Pejabat Perakaunan. Sebarang perbezaan di antara laporan terperinci dengan rekod perakaunan yang disenggara oleh Pegawai Pengawal atau wakil hendaklah disiasat. Pegawai Pengawal atau wakilnya hendaklah mengambil tindakan terhadap perbezaan tersebut dan membuat pelarasan yang sewajarnya. Pegawai Pengawal atau wakilnya perlu menyatakan di dalam penyata penyesuaian jika tindakan telah diambil pada tarikh penyesuaian dibuat tetapi belum diakaunkan oleh Pejabat Perakaunan di dalam laporan Pejabat Perakaunan di mana penyesuaian diasaskan.